

陶文毅公全集

陶文毅公全集卷五十七目錄

詩集 五言律詩

宿武勝關

遂平縣

渡黃河

辛酉六月十一日 先慈誕辰

久不得家中消息

壬戌春闈獲雋書家信後

葉縣

樊城解纜

岳陽樓晤周靜山夫子卽席次題壁原韻

留別王平舫

泊樊城

送熊淑之

德慎

之官桂陽

顧南雅席中索題墨菊

夜泊君山

巴陵別林虛亭

文竹

夜泊雞山

蠡湖守風

帆隨湘轉圖

有序

舟過安鄉

石螂溪

安鄉舟中別聶生

登芝

洞庭守風

曉發南津

題觀源圖應李郎中

秉綬

送彭兩峰

永思

之官滇中

同何仙槎編修

潑漢

登陶然亭

涿州

井陘

從側石驛至壽陽

途中偶感

冷泉關

韓侯嶺

潼關

渭南

渭橋

咸陽

武功道中望太白山

岐山

煎茶坪

鳳縣道中

松林驛

小留壩

褒城懷余星堂觀察

正煥

漢沔道中

五丁峽

寧羌道中

籌筆驛

龍洞背

朝天關

廣元縣

白衛嶺

曉發梓潼

鹿頭關弔龐靖侯

常制府

明

方方伯

積

常廉訪

發祥

黎觀察

學錦

瞿

觀察

輯曾

吉觀察

陞保

公譙作

題方有堂方伯詩橐

曉發成都胡竹塘賀霖圖司樂齋卓海帆諸君追

送江干過薛濤井復泊舟入竹籬中酌泉把酒

賦詩一章爲別

泊中和場

舟過彭山

泊江津

望塗山禹廟

長壽縣

巫峽

歸州宋玉故宅

昭君村

新灘



空舫峽

宿黃牛峽

虎牙關

泊枝江

荊州喜晤子晉夜話成詩五首

晚宿豐樂鎮

送尹墨卿

作翰

之官江西

盆菊

聞子晉病酒

送陳秋舫

沅南歸

題秋山采芝圖

秋夜懷蘭江兄

澄

何仙槎有猶子之戚慰之

和賀耦耕喜雪

癸酉元日試筆次唐鏡海早朝韻

送李工部歸省桂林

哭子晉

九月十五日

卽事

送張鳳樓

如相

之官天柱

聞官軍破賊輝縣山中

喜聞官軍克復滑縣

題唐陶山先生

仲冕岱覽

甲戌穀日飲李雙圃宅次賀耦耕見贈韻

仲丁恭祀

先師奉派十二哲分獻官敬紀

三月初六日蒙

恩派充甲戌科會試同考官恭紀

題唐陶山先生詩集

戶科值宿作

樓桑村

夜宿泰安懷黃惺溪

德廉

乙亥十二月望日同茅三峰孝廉

元輅

松坪舍人

棟

陳戶部

書勲

游焦山次壁刻杜茶村韻

游竹林寺

題南旺湖分水廟用梅村韻

喜從兄照軒

英偉

至京

黃霽青太史以詩招游城外看菊次韻報之

胡墨莊齋中題施愚山先生遺像

贈昌平楊復庵學博

顥

用朱竹垞題潛籟軒韻

詩集 五言律詩

宿武勝關

一綫界荆豫雄關此處偏山深能釀雨徑小不窺  
天下馬妨途仄開窗覺屋懸不須愁犖确繞榻是  
雲煙

遂平縣

幾日陂陀路佳名愛遂平亂峰堆遠嶂流水匝孤  
城一色麥浮雨數聲鳩喚晴綠楊無限好況是馬  
蹏輕

渡黃河

風聲開曉霧驅馬渡黃河九曲來天上三春下大  
波浮沈雜星斗談笑叱龍鼉作楫平生事臨流一  
浩歌

辛酉六月十一日 先慈誕辰

不見 慈親面于今十一年每逢生忌日如對几  
筵前遠道來千里關心到九泉何時報罔極回首  
湘南天

久不得家中消息

此際懷 親久他鄉作客偏如何一秋過不見尺  
書傳別院聞砧動空庭對月圓相看南去鴈結字

入遙天

壬戌春闈獲雋書家信後

詩禮 先人澤文章

帝世華

九重

恩最渥千佛品同誇箋寫泥金燦書成澹墨嘉故園今

夜月應結好燈花

葉縣

召伯巡行處餘陰認白棠水源通鬼谷山勢限昆  
陽龍化會驚葉鳧飛尙憶王古來游戲地策馬不

堪望

樊城解纜

放眼平隄水襄陽最上頭關河縣客路天地入扁舟  
樹雜江煙邈雲移郭影浮曾觀耆舊傳懷古亦  
風流

岳陽樓晤周靜山夫子卽席次題壁原韻

又對今朝酒天寒氣尙秋江山容醉客風雨此登樓  
歸思懸霜艇浮蹤感雪漚巴陵一湖水流不盡

離愁

留別王平舫



春樹靄芳洲春波日夜流不堪千里別聊復片時  
留竹葉銷深盞蘭橈滯客舟方知江漢水未抵遠  
離愁

泊樊城

十日煙波路襄樊此泊舟春寒江上雨花老水邊  
樓戶鎮通南紀雄關控上游茫茫今古意莫望峴  
山頭

送熊淑之

德慎

之官桂陽

昨喜鄉書至西成說有年更看良吏去秋思擁先  
鞭民氣近應樂宦情清自賢郴南諸父老幾許話

纏絲

都下一相見交情如此神少年能報

國大吏且知人祖道寒風遠雷封政澤新種花應有  
譜爲作萬家春

顧南雅席中索題墨菊

認得籬邊種幽芳出素紈九秋曾有約一色又同  
看已悟傳薪契仍嗟落木寒

同年董柳江約人會  
未及而卒原唱及之

故蕭蕭對燈夕莫放酒杯乾

虎頭好事者畫法妙于今落筆無俗氣看花多古  
心影隨人共瘦秋與夢俱深相勛百年意嚴霜應

不侵

夜泊君山

十二青螺髻君山境不凡船疑天上近山在水心  
嵌雲偃龍歸洞風高蚌擁帆何人鼓湘瑟夜氣溼

秋衫

巴陵別林虛亭

文竹

人別忽相晤胡爲又此行  
鮫人秋有淚烏鬼夜無

聲月擁香鑪

峰名

近雲歸白鶴

山名

清南津一夕泊夢

繞岳陽城

夜泊雞山

湖傍華容迴停舟夜杳冥岸欹惟上月山小不分  
星揀樹鴉聲亂掀濤蜃氣腥岳陽舊游處仙筵尙  
遙聽

蠡湖守風

巨浪如雲捲排空幾萬層力能扛石起聲欲挾山  
崩野色昏漁火湖光射鬼燈風波休試險記取過  
來曾

帆隨湘轉圖

有序

石湘筠茂才以母老頻年作客不出湖湘左右  
因繪圖寄意爲作一詩

湘浦望沈沈，扁舟出遠林。  
一帆游子夢，九轉倚閭心。  
山色渾無盡，風聲不可尋。  
家園何處是，茅屋白雲深。

舟過安鄉

幾日輕帆颺，城臨古作唐。  
江聲疏九澧，湖勢畫三湘。  
水淺魚驚棹，風迴鳥避樯。  
濯纓吾有意，隨處是滄浪。

石鵝溪

日腳深難到，巉巖鎖翠微。  
忽開山一綫，如闢戶雙扉。  
屏風起，泉飛布雲歸。  
樹挂衣方知，桃洞裏花鳥盡。

忘機

安鄉舟中別聶生

登芝

小泊唐林夜推篷月一灣  
煙橫楊柳外風在荻蘆間  
對酒心先醉懷人夢欲還  
猶堪永今夕共聽潺潺潺

聚久真難別如君倍黯然  
孤舟同百里經席共三年  
風雨初心在闔山此去歸  
勉旃余有望離袂未須牽

洞庭守風

昏黑舟難辨風狂雨又交  
靈旗趨鬼怪大纛發笙

匏野氣警蒼鶻江聲泣老蛟臥吟輸五兩竟夜和  
推敲

但覺濤聲壯不聞人語喧勢驅羣馬過力掣六鼇  
掀氣象萬千迴胸懷八九吞平生文字癖始悟大  
波軒

曉發南津

今日癡雲斂檣帆頓覺安影懸楓葉瘦秋賸蓼花  
寒小髻猶浮浦修眉遠畫巒應緣山識我留得數  
朝看

題觀源圖應李郎中

秉綬

遠翠豁秋目寒流空際生雨浮千嶂色風瀉一簾  
聲鑿石定無路在山如此清惟應盤谷客枕漱愜  
幽情

送彭兩峰

永思

之官滇中

載酒話離席短亭風颯然路分三楚外秋入百蠻  
天白紵新袍服青絲快著鞭點蒼山色好應有畫  
圖傳

同何仙槎編修

凌漢

登陶然亭

一雨洗山色冷然秋已涼古亭收野氣老樹立斜  
陽鳥外雲猶白葭邊水亦蒼相逢須盡醉幾日又



花黃

涿州

行色朝纔定停車涿易濱一州三輔控兩驛八垓  
分渡口魚初上臺邊馬不羣南雲將客隊蹤跡各

紛紛

鄉人同時出使者陳心畬給諫雲南聶蓉峰  
編修貴州程松亭編修福建賀耦耕編修廣

西皆於數日  
內相次出都

井陘

徑路臨崖斷緣沿又一村地從陘底出天坐井中  
捫流水喧雲確青山鎖縣門自來矜險要成敗幾  
人存

從側石驛至壽陽

上艾西來日停軒問土風剝膚山有級禿髮樹皆  
童屋頂通車路門屏坐社翁芹泉聊一酌清濁迴  
難同

途中偶感

竟有迴車意徵名此畏途塞高蹲餓虎

寨名

洞古據

妖狐

壽陽有妖狐洞

邊月爲誰好園花近已枯好妨祠畔

路罷見祀唐儒

壽陽城北有韓文公祠

冷泉關

義棠

鎮名

南下路寇爵古通津水作蛟龍氣崖藏雀

鼠春神仙留結構

古有魯般橋見水經注

行客惜逡巡直過

轟轟谷餘波恐未馴

韓侯嶺

飛鳥愁難越祠亭杳靄中懸崖封古穴大樹捲悲風  
竝足羞諸將推心誤乃公漢家舊陵闕搔首夕

陽空

潼關

城郭倚崔嵬重門四扇開河翻銀雪上山拔嶽雲  
來虎豹雄關盡魚龍大壑哀九泥不在險覽古一  
徘徊

渭南

路轉西溪上終南積靄邊荒城臨渭水野草沒甘泉  
鳥樹晴分翠漁村夕上煙我懷樂天叟千載有

芳阡

白太傅墓在渭北紫蘭村

渭橋

路直雙宮合橋通一綫流中央飛彩螭南度法牽

牛往制悲羸政奇神貌村留

橋神

燕丹曾過此機發

不應愁

咸陽

故國依三輔連山畫六岡

癸辛雜識地有六岡象乾之六爻故名咸陽

城高標冀闕地險象銀潢原上英雄骨雲中美女  
香秦宮何處問一半是斜陽

武功道中望太白山

雲裏見峰麓高標應莫窮一尻分隴蜀雙趾落華

嵩雪壓太古白池流天上紅

山有五池產紅魚紅鳥

思因鳴

鼓角驟雨起豐隆

相傳山中鳴鼓角則雷雨沿途頗旱故及之

岐山

撫撫臨秦雍中原一望低亂雲層岫外板屋夕陽

西懷古悲狼跋

有周公廟

看山任馬蹏陳倉明日路應

聽碧雞號

煎茶坪

新險初嘗試煎茶此一坪谿迴疑鳥墜路仄避驢  
行隱隱前朝壘荒荒落日程馬前羌管發吹作過

山聲

山路彎轉處吹管作聲  
以辟行人謂之過山號

鳳縣道中

一髮青天在峻崖東小溪木欹危石出水漲斷橋  
低漸遠黃牛堡初來白馬氏鳳州無手柳村酒醉

如泥

宋人云鳳州  
三出手柳酒

松林驛

去住渾無著閒雲赴壑心野橋流水合亂嶺夕陽

深林近蟬先覺山空猿一吟何當謝塵鞅松石坐

彈琴

小留壩

落日風聲恐懸崖路乍經人穿豺窟黑峰截馬頭

背故鬼吹燐火

辛酉三月教匪冉學勝犯留壩應官軍於此死者甚衆

山精

避馱鈴沿溪新雨過流響獨清冷

褒城懷余星堂觀察

正煥

棧閣連雲上崎嶇幾日愁氏郵盤馬道

驛名

關石立

雞頭

山名

瀑落疑飛雨山荒易感秋今朝開望眼天

際故人州

時備兵陝安

地近褒斜谷官居廉讓間

廉泉讓水皆在漢中

每同賢太守

謂樂園先生

高詠大巴山遠樹襄帆接秋風古戍閒應

憐騎馬客明日漢陽關

漢沔道中

風日今朝好郊原豁大荒星流東漢水雲去古陳

倉戰壘存諸葛靈祠肅女郎

女郎山有張魯女廟

稻花開滿

路風景亦吾鄉

兩角孤雲

山名

直巴山不斷青人煙深淺塢秋色短

長亭籌密遙通棧溪迴曲寫屏漢源今已到誰測

使臣星



秫酒偏能醉荷花可製筒誰家深樹裏一曲小池  
東浣石環村女苔磯坐釣翁溪山如識客回首惜  
怱怱

玉筍飛銀屑嘉魚食豈無煙波來丙穴

地在漢中風味

比丁沽偶觸家山夢因懷秋水湖洞庭老漁舍木  
葉未全蕪

### 五丁峽

到此真奇絕山奇石更奇徑懸猿狖恐險鑿鬼神  
疑水作千盤去天將一綫窺金牛如不入萬古只  
荒陲

寧羌道中

雲氣隱山腰，泉聲答晚樵。樹深雷雨匿，路逼虎狼

驕。黯黯金牛道，義義鐵鎖橋。將軍擒賊處，

提督楊過春都

統格布舍會擒剿

賊高三馬五於此

谿谷動寒飈

籌筆驛

今名神宣驛

上將揮神筆，當年此出師。如聞拜表日，不忘託孤

時。愁外山仍在，燈前鬢有絲。空留簡書迹，猿鳥到

今疑

龍洞背

一水中流處，連山忽合圍。巖巖懸高斷，路濤響暗通。

屏洞口龍常守風前燕自飛

洞中產石燕土人何於風雨後拾之

人樓上臥

上有龍門閣

欹枕看雲歸

朝天關

雙峭鎖驛顏衢通絕壁間風聲摧牝壑雲氣墮雄關  
戍守今無用耕畬俗自閒朝天一條路來往任人攀

廣元縣

要路橫巴蜀蠶叢關一村遠山青入縣秋水綠當

門地稅蠻寶賤龕埋古佛昏

有千佛巖

唐家比邱跡繁

檟未須論

武后生於此遺像在皇澤寺作比邱尼

白衛嶺

枯柏南來路三郎舊恨多嶺雲荒白衛  
樓雨溼青騾尙憶佳人曲空聞才子歌  
郎當夜鈴語淒絕迴如何

曉發梓潼

送險亭猶在

七曲山南麓有送險亭刻破去平來四字

蹢躅意若何路

深金馬城山斷石牛坡雨氣朝來淨  
風聲樹上多長卿舊書室何處訪煙蘿

鹿頭關弔龐靖侯

磊落半英雄西行第一功鹿頭如不死  
驥足與誰

同流涕悲先帝知人有德公如何東敗日獨憶法

扶風

常制府

明

方方伯

積

常廉訪

發祥

黎觀察

學錦

瞿

觀察

輯曾

古觀察

陞保

公謫作

桂子飄香處黃花入釀多白袍門立鵠紅蓋客傳  
螺北海尊中酒山公醉後歌吾儕美清宴良會卽

恩波

蜀紙新裁韻郾筒風有名茵還聯太守

成都曹太守潼川張

太守同

履已進諸生畫燭清風閣銀箏細雨聲寬

裳天上曲回首記分明

題方有堂方伯詩橐

專閫詩王國居然擁百城文章餘古氣經濟稱時

名字外猶鋒露軍中記渠橫

平定教匪時軍中所作尤多

從來

請纓志未許薄書生

曉發成都胡竹塘賀霖圃司樂齋卓海帆諸君追

送江干過薛濤井復泊舟八竹籬中酌泉把酒

賦詩一章爲別

乍解東門纜仍停江上槎竹邊通蠟屐花裏問枇

杷對景投詩筆

唐人贈薛濤詩紛紛詞客皆投筆

穿籬得酒家都

將離別意深淺認紅霞

泊中和場

月出定墟煙推窗夜不眠九州華去聲陽道萬里蜀

江船樹影橫孤鴈秋聲送暮蟬浮屠三宿戀臨別

亦淒然

舟過彭山

魚鳧津上望潮落見沙痕彭祖何年去仙鄉此處

存江吞雙口健秋放一山尊我欲呼漁父從之鼓

枻論

泊江津

微雨悄然過數蟬吟夕陽懸崖將斷處疏樹忽成

行山入雲一色水歸秋半塘江津今夕泊篷背已  
新霜

望塗山禹廟

塗山半煙雨高處禹王祠俎豆猶初地川原自昔  
時神留攸女蹟風起候人詩石紐桑鄉近千秋紫  
德思

長壽縣

水曲流巴字山長幻壽文

縣山作壽  
字形故名

峰巒曾不斷

點畫若爲分毅魄嗟猿化

丁巳冬教匪王三槐破  
縣城典史章潮陽賊剖

腹死獄囚萬某被裹逃歸言  
狀荷

優卹萬亦釋罪

災黎尙烏耘懸崖礪



岩滿

江邊多石寨皆避賊時所築

指點認斜曛

巫峽

奇氣由天縱峰巒不可尋  
浦連魚復黯山鑿鼉靈  
深萬古崖邊月三秋海上心  
清冷流水意好入伯牙琴

歸州宋玉故宅

傳聞宋玉宅門對老歸州  
別蘇悲遺穴

宋玉墓在澧州安福

縣訛爲宋玉城唐李羣玉詩有兩蝕玉文有沒點至今錯認宋玉城之句近爲居民掘沒子曾言諸當事誅茅贖酒樓

故阻今爲酒舍

青山庾信淚白髮杜陵

秋異代偏多感遼遼動客愁

昭君村

薄雨勻山黛村容上曉妝昭君浣紗處溪水至今

香波鏡秋磨月巖花晚破霜紫臺應有夢歸佩繞

郎當

新灘

嶄崖高不極望望絕因依峽偏雲多墜峰斜石競

飛馬肝終古挂

北崖有石懸絕壁如馬肝

鹿角遠山圍諸葛兵

書在猶疑白羽揮

灘上卽武侯兵書峽

空船峽

歸裝無陸賈問路有空船流水如相識荒江此乍

經峽深藏日月灘急走雷霆醺酒黃牛近來朝至

喜亭

至喜亭在宜昌歐陽公  
記言蜀舟至此而喜也

宿黃牛峽

及至黃牛峽江寒鎖沈寥深巖遲見月孤枕暗生  
潮澗響傳秋意漁歌動晚橈天台歸櫂速雲臥極  
今宵

虎牙關

何年資岸石

余居資江石門  
潭恍惚此景

飛作此江扁一扇忽

開峽羣山皆斷青灘聲奔虎口驛路指猗亭向晚  
宜都縣漁燈浸列星

泊枝江

名洲九十九大好釣魚磯江似分枝去潮隨落葉  
歸人家臨水合燈火隔林微欲訪蠻荆舊煙荒白

鳥飛

熊繹初  
封於此

荊州喜晤子晉夜話成詩五首

正苦思家切南瞻淚暗流那知今夜月相對渚宮  
秋跋涉憐余病徘徊得爾留翦燈終夕話不覺漏  
聲稠

黃葉江邊路青山夢裏詩數家成聚落老圃念棲  
遲比舍多新況松楸似舊時獨悲小婦妹別日是

長辭

白髮懷諸父靈光一老存

二伯父漢昌翁繼先君沒惟大伯父漢周翁

康健

七旬猶健飯雙手拄家門骨肉恩情重

先

人孝友敦視余千里外何忍聽斯言

大伯父欲同子晉來視家

人以其老止之

風味依芸葉吾家幾秀才

謂洞崖蘭江棣林桂林靜深士表聲宏竹溪星

彥諸先生并懷校策賢輔懋賢桂賢諸君

青雲輕遠路白雪唱高臺豈

意荆山下仍多卞氏哀因知求木日蜀地有遺材

爾亦秋風客初經古戰場偏鋒思突險小挫未成

傷滄海鯨波闊雲天鴈路長宵深如夢寐明日是

他鄉

晚宿豐樂鎮

小驛臨漳口孤村向暮投  
野寒鴉撲樹天遠鴈橫秋  
前渡初過雨輕冰未斷流  
來朝燕趙地慷慨古磁州

送尹墨卿

作翰

之官江西

送子情何極迢迢沙路分  
涼風起將夕遰鴈不堪聞  
燕樹有秋色楚天多白雲  
趨庭還幾日叢桂定

繽紛

君方乞假  
歸觀湘潭

衣帶西江水遙連白芷灣  
放船過淥口眞面對廬

山吏爲親民重才非濟世慳儲逢徐孝穆爲問舊

時顏

謂徐石  
溪大令

盆菊

吾盜忽光彩居然盛萬金不妨高處著猶見故鄉  
心地白月宜夜堂空秋易陰茲廬有何愛因汝一

遙吟

開子晉病酒

望裏衡陽鴈經春又是秋豈知書札至轉益夢魂  
愁計誤雙持螯人嗤一飲牛寄言身愈日莫更近

糟邱

送陳秋舫

沈南歸

小作都門別言尋漢上槎離亭雙竹葉驛路古梅  
花塞鴈冷於客湖雲遙是家劇憐烏帽隔詩思落  
煙霞

寸心從我好一面似君難此去江天闊相思朔雪  
寒居深慚小隱才大住長安豫計來秋晤清琴夜  
共彈

題秋山采芝圖

趁得芒鞋興沿溪定幾灣車停紅樹外秋訊白雲  
間雨翠若可拾煙嵐相與閒無由脫塵鞅畫裏見



商山

秋夜懷蘭汀兄

澧

一別茱萸許思君白髮多  
山林容嘯傲天地入悲歌  
共此三秋興其如四壁何  
夜來風雨急過軸夢煙蘿

何仙槎有猶子之戚慰之

臥病不能出經旬鬢欲絲  
因君猶子淚觸我好兒

悲神道杳難測

亡兒椿福生時屢有神夢  
仙槎姪亦夢衡山神抱送天心應

可知請看霜雪後梅柳粲新枝

和賀耦耕喜雪

宿火定鑪煙燈花澀更妍兩旬人臥病一夜雪飛  
天笑得農開口吟輸客聳肩多君來往熟乘興剡  
溪船

癸酉元日試筆次唐鏡海早朝韻

紀年逢酉熟搗管試湘筠荆楚歲時記梅花煙雨  
春地居金馬客官讓玉魚人別有巡檐興因君得  
句新

熙韓同承

化安平早上書和風生紫陌遲日麗

丹除歲事此多暇客懷隨所如印心開石屋吾亦愛

吾廬

更喜君居近松醪共老益奇情山作勢樂意水逢  
源磊落新詩本推敲古法門宜春增韻事翰墨在  
西園

閭闔開

三殿簫韶奏九成曉隨鵷鷺侶同謁鳳凰城報  
國文章業傳家詩禮聲陽春誰解和石硯且重耕

送李工部歸省桂林

祖帳動行色風前花柳飛故山瞻獨秀好夢近庭  
闈遠別豈不惜幾人能此歸竹林賢阿阮到日共

萊衣

令姪北溪宗丞  
時亦侍養在籍

放舸江天外洞庭秋始波我家傍湘浦此去定經  
過風雨添行卷山川入嘯歌思因水雲跡一訊舊  
煙蘿

哭子晉

豈意有茲事朝猶念卯君家貧勞作計路遠致離  
羣抱病形何似臨歧語不聞傷心秋葉墜弗忍望  
停雲

化去幾多日嗟余尙未知秋來驚鴈斷書至且狐  
疑向歲分襟處

庚午十月與  
弟別於江陵昨宵入夢時還山風

雨約深悔十年遲

九月十五日

大事書長慶張韶本亂徒國門驚瘼狗篝火嘯叢  
狐曲突謀何有乘墉慮可無從臣誰造父八駿御  
歸途

卽事

日月迴

天馭風雲護屬車

九重

親灑淚萬戶且安居哀痛頻聞

陶文毅公全集

卷五十七 詩集

三

詔安平合上書股肱經

國計悵望復何如

送張鳳樓

如相

之官天柱

立馬今又去朔風奚可聞離亭三疊曲客路萬重  
雲幾輩諳時務高歌對使君中州經過地鼙鼓尙  
紛紛

記得紅綾宴湖南共九年來登宦籍強半職親  
民折柳懷前度栽花及早春題名天柱好相望總  
怡神

聞官軍破賊輝縣山中

聖懷攄

小醜潛逃日真愁蔓草如窟能穿狡兔釜有泣游  
魚一戰關全局中宵走捷書酬勲先四將領兵大臣楊芳  
依特順保德英阿色爾察略遣  
同時進秩加雲騎尉世職

喜聞官軍克復滑縣

四面恢天網孤城控石塘地中鳴霹靂樓上舞梯  
衝氣懾銷餘沴勲高重列刊欽差那公彥成

遇春封 猶聞  
二等男

宵旰慮南顧切耕農

題唐陶山先生仲冕 岱覽

陶文毅公全集

卷五十七 詩集

三

一覽齊州小云亭放眼來日波翻若木雲氣湧蓬萊  
海國兼山國秦臺與漢臺檢書風雨夕猶見萬峰開

甲戌穀日李雙圃宅次賀耦耕見贈韻

天意仍難雪深杯暫此陪穀從今日布花是幾番  
催感慨論前哲疏狂笑不才街頭瑞人少酒禁故  
須開耦耕時方禁酒故及之

仲丁恭祀

先師奉派爲十二哲分獻官敬紀

鼓篋懷初服親師懋



國光禮行

天子命身上

聖人堂器爲留貽古

尊彝十件皆周代物乾隆中從內府頒出遇祭日陳設焉

功因淑問彰

時滑縣賊首牛亮臣徐嗣明生擒解京

願言摹石鼓紀

盛續岐陽

周宣石鼓在內乾隆中重行編次大成門

三月初六日蒙

恩派充甲戌科會試同考官恭紀

鎖院深巖地春衣淡沱天重來逢戊歲舊夢感丁

年得第人原偶論文事有緣拜

恩稠疊日猶記向西川

陶文毅公全集

卷五十七

詩集

題唐陶山先生詩集

一盥薔薇露詩篇稱此清  
幾人猶古調今日見先生  
句律參唐宋家居本霍衡  
郢中臣里近白雪故難賡

我亦耽佳句行歌蜀道難  
車驅王子讀師拜鄭都

官

蜀道拙集經先生論定

曉日秦關羸秋風漢闕殘  
旗亭多

雪壁駐馬舊曾看

先生丁巳年運饌入關詩最多予使蜀亦道此

戶科值宿作

青瑣趨

朝近黃門向夕過樓臺鴉影細  
松柏鷺聲和袞職誰

人補封章此日多似聞

恩恤詔

親問夜如何

頃有

旨諸大臣來園奏事每詢及多

於子初自城內趨直人之精神祗有此數  
當亥子之交正安神休息之時嗣後部院旗營奏摺  
俱准令司官代遞應遞膳牌准令筆帖式代遞諸臣  
於卯初到園召見不至遲誤朕恕以待下諸臣亦  
當念朕未明求衣宵旰勤劬之苦衷各竭忠殫誠

樓桑村

此亦貴人鄉亭亭認古桑山川無漢業草木有靈

光磊落明良契崎嶇戰鬪場惠陵曾拜謁松檜尙

冰霜

夜宿泰安懷黃惺溪

德謙

期程剛十日言憩岱山陽老樹作秋色碧雲生夜

涼徘徊念之子迢遞各他鄉

惺溪留京  
居余宅

別夢知何

似渺然煙水長

乙亥十二月望日同茅三峰孝廉

元輅

松坪舍人

棟

陳戶部

書勳

游焦山次壁刻杜茶村韻

竟與山爲號高人舊姓焦地偏宜大隱路轉入層

霄樹勢南徐接鐘聲北固遙芒鞋同踏處松徑舞

晴颺

結構似層壑僧寮極自然篆雲封古鼎

寺有周  
南仲鼎花

雨問諸天對酒宜佳客書楹憶昔賢

陳滄洲先生  
書月明如書

江流有聲一月波臺上望盡裏走江煙  
聯尙存柱間

修竹崖邊合淩寒足老蒼岸歛懸鵲屋潮淺出龍  
堂荒響傳疏磬漁歌唱夕陽風檣來往迅何處阻  
尤郎

更陟雙峰頂煙波入望深衣寒生海氣木古見山  
心刺刺魚跳水依依鶴在林憑君一吹簫爲和老  
龍吟

咫尺金山近放船懷老坡江潭留客住風雨贍秋  
多指點猶鴻雪依稀幾釣蓑誰能千載下蹤跡此  
相過

掃石雲生縫捫蘿磴有差渡當風定後歸趁月明  
時涉趣偷閒暇留題當布施他年談故事心跡野  
鷗知

游竹林寺

籃輿行軋軋曲磴緣松扉一徑白雲滿四山黃葉  
飛堂空佛無語院靜鶴初歸欲訪林公塢花寒澹  
夕暉

題南旺湖分水廟用梅村韻

離合一湖中猶傳白老功

分水之議起於白英

路分蛟蜃隊

帆擘馬牛風界擬鴻溝畫天應犀角通泰山真砥

柱不遺順流東

喜從兄照軒

英澤

至京

白頭人六十老足路三千

時白漢口步行來京

不意能來此

相看一駭然翦燈疑夢寐把酒話纏連喜極兒童  
噪離家已十年

若父與吾父元方亦季方別來成世隔對此倍神  
傷雨露松楸溼雲山道路長姜家遺被在歸計有  
相忘

黃霽青太史以詩招遊城外看菊次韻報之

苦潦經旬隔書來興自如爲言秋色好莫放酒杯

疏風雨重陽後煙雲野客廬菊花明日約望眼一  
爲舒

胡墨莊齋中題施愚山先生遺像

夫子不可作道貌益猶生孝友出天性詩歌餘古  
情圖分主客列江愛使君名戴笠漁洋老應知共  
此清

贈昌平楊復庵學博湖用朱竹垞題潛簫軒韻

地據龍泉勝居連虎峪隈溪雲延戶入山月度城

來世墨收藏久

君祖自牧與竹垞爲友其家清樽  
所藏闕初諸公詩筆甚多

取次開尙餘幽興在欲別首頻迴